

امور تحریر یہ ایچون فؤاد بکہ
وامور اداره ایچون آرتین افندی یہ
مراجعت اولنور.

— ❦ —

مسلمکمزہ موافق آثار قبول اولنور.
درج اولنمیان اوراق اعاده اولنماز.

معارف و مسائل

اداره خانہ سی باب عالی جادہ سندہ
۵۲ نومرولی « شرکت مرتبہ »
مطبعہ سیدر.

— ❦ —

استانبول ایچون سنہ لکی مطبعہ دن
آلنق شرطیلہ ۴۰ طشرہ لره پوستہ
اجرتیلہ برابر ۶۰ غروشدر.

نسخہ سی ۱ غروش

پنچشنبہ کونلری نشر اولنور ادبی، فنی و صناعی غزتہ در ❦

نسخہ سی ۱ غروش


في الاصل تأهيل ايندلكرى ستملرده آرائلق اقتضا ايدر و آرائلديني صورتدهده حيوانات مزبورمك في الواقع من القديم اورالرده نشو ونما بولدقلى آكلاشيلور. وحشى كچى، آسيائى وسطى و خاصة تاتارستان و تبيت نواحيسنده اسكان ايدر، (كورخر) دنيلن وحشى حمارك مقرى سند و بلوچستان چوللرندن آفريقانك شرق شماليسنه قدر امتدار ايدر.

آفريقا بلا استتيا بنكلى حيواناتك منشأيدر. رنكلرى دوز و وحيد الشكل اولنلر آسياده يتشمسدر. بوحالده، آتاك — رنكى دوز اولديغيچون — وطنى آسيا اعتبار اولنوبده، بنكلى و دوز رنكلى حيوانلر آراسنده بر صنف وسطى تشكىل ايدن «مركب»، يارى آسيادن و يارى آفريقادن اولمق اوزره اينكى پارچه يه مى آيرلهيدر؟ آت ايله مركب، حال طبيعيسنده، يالكز آسيا و آفريقايه مختصر بر صنف مخصوصنده داخل بولدقلى حالده سائر آكل نبات حيوانلرك بر عتيقك اقسام ثلثه سنه شامل نوعلردن تولد ايتمش اولملرى جاي دقتدر.

اوروپا اورمانلرنده ياشايان و فرانسزجه (Sanglier) دينلن (يابان طوموزى) ايله قورسيقه نك (يابان قيونى) نه، بوقيل اهيل حيواناتك سراسله سى نظريه باقيله يور. كچه، تاريخ بوتصورى تكذيب ايدىيور. سده نزد طبيعيونده عموماً بلااعتراض قبول ايدلمكدهدر.

غربك شرقدن صوكره و شرق واسطه سيله كسب عمران و تمدن ايتديكى معلوم ايكن حيوانلرك انسان ايله ايلك انسيلىرى اوراده نصل وقوع بوله بيلور؟ آكر بو انسييت شرقده حاصل اولمش ايسه ابتدا انسانك قيد انقيادينه آلمش اولدينى حيوانلرك اصلنى اوروپاده آرامقده نه معنى بولنه بيلور؟ مصر عتيق و آسيائى قديم حيواناتك آوروپادن اورالره نقل و تحويل ايدلمش اولدينى ادعا ايتك برنهرك منبعى ستمه آقديغنى توهم ايتك كى عبث اولمى؟

بناءً على ذلك، (ايزيدور ژوفرو-واستيلر) كچى، كدى، كوپك، طاق، كوكرجين، ايك بوجكى وحتى او كوز قيبلىدن اولان باجله حيوانات اهليه نك مولد قديمى شرق نواحيسى و على-الخصوص آسيا قطعه سى اولديغنى اثبات صدندده بولنان علم حيوانات علماسنك بوبابده كى فكرلرى مصيب و شايان امتثال كورولمليدر.



شهابلر

اوزرنده ساكن اولديغز كره ارضى هر طرفدن احاطه ايدن هواى نسيمى صاف و لطيف اولديغى كچهلرده قبه سمايه نظر اولنور. ايسه (شهاب) دينلن آثار مشاهده اولنور. شهابلر طبقى كوكب كى كوريلوب كوك يوزينك بر طرفدن ديكر طرفه سير سريع ايله حركت ايدرلر، بعضاده كيتدكلرى طرفه مضى برايز براقه رق لمحة البصرده منطفي اولورلر. بعض شهابلر سير و دور ايدر ايكن اطرافه قيقلم صاچارلر. حكماى متقدمين شهابلرى قبه آسمانى تزيين ايدن كواكبدن اولدقلى نطن ايله دكلرندن اسملرينه (اوچنجى كواكب) ديمشلم متأخرين حكما طرفندن اجرا ايديلن تدقيقات و تجارب عديده شهابلرك كره سماده كوريلن كواكبدن اولمده قلىرى و متقدمينك بوبابده كى فرضياتنك خطا اولديغنى ميدان ثبوت و بدهاته چيقار-مشدر.

شهابلرك كواكبدن اولمده قلىرىنه اك بيوك دليل ايسه هر كچه نيجه بيك شهاب كورولديكى حالده فضاذه كى كواكبك تناقص ايتمه سى لازم كلورايكن هيچ بر نقصان كورولمه سى كيفيتيدر. شهابلرك طبيعتلى حقه سده بك چوق فرضيات بيان اولمش ايسده اك زياده عقله قريب اولانى بونلرك جو ايچنده طيران ايدر و مواد غازيه دن مركب بر طاقم اجسام اولدقلىدر. كره ارض حركتى سبيله اشبو

اجسامك بولدقلى محالره تصادف ايدر و شهابلرك سرعت حركتلى حسييله بولنلر دن هر هانكيسى هواى نسيمى دروننه كيرديكى زمان هوا طرفندن ده مقاومت كوره رك محترق اولمغه هواى نسيمى يه كيروب چيقنجه يه كوكب كى كورينور. ارضك اينكى مختلف محلنده بولنديغى فرض ايديلن اينكى راصد علفى شهابك حركتى صد ايدهرك بونك كورونديكى و منطفى اولديغى نقطه لرى تعين ايدرلر ايسه سطح ارضدن نه قدر مرتفع اولدقلىرى تقدير و تخمين ايتك ممكن اولور. بواصول ايله بولنديغنه نظراً شهابلرك سطح ارضدن سكسان بيكدن يوز يكرمى بيك مترويه قدر يوكسك بولدقلىرى تحقق ايتمشدر.

شهابلر سنه نك اوقات مختلفه سنه نظراً بعضاً چوق و بعضاً آز كورونديكلى كچى بر كچه نك مختلف زمانلرينه كوره دخى تزايد و تناقص ايدرلر. صوك بهار موسمنده كچه لرى كورون شهابلرك عددى ايلك بهارده كورونلردن زياده اولديغى كچى كچه نك بدايتسده كوريلن شهابلرك عددى صباحه قارشى كورينانلردن ده آذر.

شهابلرك سير و حركت ايتدكلرى جهتلر دخى مختلف اولوب كييسى شرقدن غربه، كييسى غربدن شرقه و بعضيسى شمالدن جنوبه و جنوبدن شماله سير ايدرلر. انجق شرقدن غربه دوغرو سير ايدنلرك عددى غربدن شرقه دوغرو حركت ايدنلردن ده چوق اولوب كذلك شمالدن جنوبه دوغرو سير و حركت ايدنلر بونك عكسى جهته تمايل ايدنلردن ده زياده مقدارده بولنورلر.

احجار سماويه همان هر كچه مشاهده اولنه بيلور سده آغستوس و ايلول آيلرنده مقدارلرى فوق العاده دنيله جك درجده آرثار. حقى بعض كچه لر اولوركه بر قاچ بيك عددينك بر آنده و مختلف جهتلره سير و حركت ايتدكلرى كورولور.

